

《中國地方藝文薈萃》編委會 編

中國地方藝文薈萃

學苑出版社

華東卷·第十一輯

華東卷·第十一輯
捌

中國地方藝文薈萃

《中國地方藝文薈萃》編委會 編

貴州師範學院內部使用

國朝金陵詩徵四十八卷（六）

貴州师范学院内部使用

國朝金陵詩徵四十八卷（六）

（清）朱緒曾編

據清光緒十三年（一八八七）刻本影印

國朝金陵詩徵卷三十九

上元朱緒曾編

姚錫華

錫華字曼伯一字實庵上元人道光壬辰舉人辛丑

進士由山東知縣洊擢至雲南布政使著有怡柯草

堂集

實庵辛亥邱時糧價向以錢千八百代銀一兩是歲市價增至二千有奇父老詣請增價君謝

之代償銀四千餘兩以解庫款有教首魏凌雲創無

生老母會獲之真諸法升桃源同知會豐工河決檄

勸濟甯水災振救窮民存活甚眾粵賊竄劉家口堵禦有功擢山東督糧道旋擢滇南藩司所至流惠民

春日雜興

家貧有至樂何必謀祿養老父步履健出遊不扶杖幼女索青錢買花種盆盎開時閒紅白頗可助清賞香粳炊山廚鮮

魚出江網洗尊酌春醪布席列少長耄年飲輒醉高歌自拍
掌穉子學嗚嗚執蕢擊土壤此時萬慮無花香出書幌

宅南老柳樹上有雙黃鸝交交弄新簧對語夫何爲綿蠻不
可辨似訴途險巖春風紫陌上半是輕薄兒馬上挾金彈一
發流星馳豈惟羽毛損軀命不可知何如依蓬華安處無顛
危主人攜柑酒出谷唵新詩

寒夜

布被生寒天欲霜起移鑪火近繩牀窗前歷亂梅花影知是
鄰家月過牆

一夕

一夕涼風起離懷酒不勝疏燈秋夜雨破衲客中僧愁極家
書短途窮道力增鮎魚上竿竹曉夢尙曹騰

返家

纔向中流轉舵牙一帆風正不欹斜水聲欲共客爭路山色直隨人到家舟子鄉音操故土征衣塵土尙京華閒中檢點行囊看禿損江毫未有花

將之都門作

年年仗策走風塵屢向迷途苦問津料理輕裝兼作僕慙慙祖餞喜無人漸聞陳榜呼同輩強作歡容悅老親兒女癡心牽袂語宮花索寄一枝新

聞蟬

託迹深林裏經秋始一鳴出山無熱念吸露有清聲元鬢年華改金貂事業輕知予能屬和高唱若爲情

悼陳純齋大令士全

古今同歸一邱貉日日送人風掃籜吁嗟我友今云亡千秋
事業將安託久識元龍意氣豪未酬同甫縱橫略忽聞今年
歸道山疑耶信耶自揣度太歲不在龍與蛇斯人胡爲竟彫
落君曾團兵爲義營橫戈上馬時一躍幽并健兒不敢視出
匣英風作干鏌農田水利無不知對策千言益該博天生此
材必有用不肯沈埋在巖壑我聞僑也慈惠師能安善良去
豪惡青鞵布鞵田閒來詢民疾苦關憂樂玉樓召君民籲留
聲達 帝闈 帝曰諾少時與君同筆硯每見君文不敢作
空中精氣爲盤旋腕底風雲入揮霍能決義蘊窮形神盡掃
秕糠棄糟粕昌黎文起八代表方望君來振頽薄當使波瀾
日壯闊那得英雄便刊削前年君從厯下遊開門迎賓屐倒
著握手庭前各大笑三載相思慰離索憐我雙鬢多素絲得

母微名受羈縛壯夫不爭雞鶩食男兒當畫麒麟閣眼前落
落盡餘子世上巍巍亦人爵何爲濫吹東國竽甘作不舞羊
公鶴臨別贈言書之紳萬古心胸忽開拓努力勸我飽餐飯
徒步驕人健腰腳來如長坂走驊騮去若秋風縱鷓鴣別去
兩載尺書稀鉅冊鴻篇壓囊橐每逢北人必問君盡道豪情
尙如昨何物三豎來相侵病起非疴亦非瘡自來膏梁足致
病君之官厨盡藜藿腴理百密無一疏安有六淫入肌絡君
如生耶或詛之譬如黃金眾口鑠君如死耶人言真奪我使
君天太虐或言理中有數存龍圖龜書判河洛顏回早死盜
跖壽此理無人叩杳漠待君入夢重問君不見魂來入簾幙
徘徊一室不得眠寒風蕭蕭響街柝恐有北雁帶書來常向
雲邊引弓繳

捕魚哀

歲大熟民食粟歲大饑民食魚民無儲蓄有網罟得魚易粟
且易蔬今年河決豐北口隊隊湖魚逐波走可憐網重舉不
起所得濁泥一兩斗無粟有魚不得死無粟無魚民死矣尙
有瀕湖後死人枵腹朝朝望湖水

無家哀

出門一片屋歸家一片水四鄰渺人煙皆在水中泚屋椽無
一存瓦礫白波裏爺孃妻子逃何方逃耶死耶難測量魚濟
滕沛成汪洋披髮水中叫天閩河伯震悼爰告爾民河決北
岸咎在波臣雖非人事罪亦維均嗚呼罰行於民亦何補歸
來子身無寸土

鬻兒哀

民無禾民有地水涸地可種秋至獲嘉穞春來坡上水老農
眼中淚去年鬻兒有人買今年鬻兒無人收困中糧少大戶
愁饕餮安得爲爾謀兒啼不歸去棄兒在中路嗟嗟大戶也
知鬻兒苦三年無禾亦類汝

糴米哀

湖濱有高阜流民屋鱗接朝夕出糴米性命寄舟楫瞥然吏
至如飢鷹手中纏纏長胡繩大船將爲剝賑用小船亦備運
弁乘舟人告吏胥未言淚如縷東鄰市斗粟西鄰買胡餅南
鄰與北鄰炊糜各引領扁舟不歸去飢餓死荒嶺聞言心悲
哀大聲呼吏來我聞縣官給錢募漁戶胡乃朱符轉向民間
僱吏聞避走不知處舟人糴米過湖去

棚民哀

流民何所歸四圍水無路尙有一片蓆勝于野宿露蓆少人
日多聚族一棚聚明日委官來給賑到棚戶大口銀三錢小
口一錢五一錢贖敝袴一錢市升穀冬來隄上風雪寒一錢
買草葺破屋更留餘錢防兒饑兒饑與兒一甌粥兒食粥糜
兒不哭

潼關

四扇關門啟經過險不知河聲黃卷坂秋色禹王祠過客嚴
稽稅輕裝載有詩一鞭揮手去叱馭莫遲遲

晚宿渾水塘

匹馬經荒驛寒塘帶夕暉孤煙村路僻野火草根肥啄粟雞
爭食投林鳥識機茲行猶未已暫爲解征衣

紀叢筠

叢筠字竹伍句容諸生工書善詩著有蔬香齋稿

召伯舟泊

輕舠小泊晚潮生客倚篷窗欲斷魂
漁舍無燈月在網人家
依岸水當門青帘影露開宵市黃
葉林稀認遠村歸雁磬磬
棲未定一行秋影掠波痕

黃浦水

丙戌孟秋洪湖盛漲啟各灞洩入海黃浦當其
下游時天雨浹旬濱海之鄉正虞泛濫值上游
洩水千里內外遂匯為巨浸鄉之氓如鳥獸散其附
郭者避入城強者登陴覆茅以居弱者露處焉哭聲
震野申旦相續百餘年來未有事也
予時客黃浦觸目盡懷作此紀事

七十二河之水十萬頃瀟渤瀕洞匯注於洪湖河伯激怒蛟
龍鬪忽驚盤渦百丈勢下趨大府諸丞僉失色嗷嗷議築復
議塞築之塞之水愈逼因勢利導分水力下游射湖當其衝
尋常波動聲洶洶是時淫雨日傾盆日車不行天地昏上游

灞啟飛湍陡瀾天一瀉入海走地維欲折山疑摧龜鼉白日
空中吼水頭壓屋翻狂濤負兒挈女人爭逃兒不見孃牽耶
號人聲哭比水聲高林木屋廬此時忽不見眼前但見上青
下白天與水徒跣奔竄覓棲止人家在船船入市一城叢苦
周女牆趨如蟻赴踵接趾昨日華堂笑語坐今夕哀鴻藉草
臥茫茫世事難預量解囊誰肯拯寒餓博濟吾苦非豐饒愴
目躅足憂終朝愧無武肅築塘之神勇三千弩射回奔潮又
無王景湮流之良法舉錘不畏洪波漂魚頭滿眼心空焦魚
頭待餽羣延頸大府羽書訊災眚有司撫卹甦嗷嗷終日啼
號得一餅

偶書

讀書如游山愈入愈可喜讀書如飲醇愈酣愈難已開編見

千秋古人何曾死澄此一寸心默契萬古理會神不泥迹斯
眞讀書子陋哉章句儒局促書城裏墨守陳腐言餽飭食渣
滓豈知縹緲中醇駁各異旨六籍多可疑厯雜矧百氏放眼
須如箕殫心求其是人云我亦云齷齪良可恥

粵稽漢明朝佛始入中國其教崇空虛艱苦屏食色了性契
無生冥心超塵域胡爲納供養果蔬當牲特胡爲飾琳宮楹
桷炫丹刻舉世競崇奉無非爲僧惑更創輪迴說誘人仗佛
力懺悔孽果消作惡計亦得詰佛以此言佛亦應語塞佛開
釋之源僧乃佛之賊

讀史十首

錄五

強羸肆兼并列國被鞭箠六合供蠶食九鼎咸陽徙中心恣
狠貪廟號創皇始東海多神仙更欲求延紀南面坐萬年至